

**PRAVILNIK O PROTIVPOŽARNOJ ZAŠTITI**  
**UDRUŽENJA NOVA GENERACIJA**

	IZRADA	ODOBRENJE		
Ime i prezime:	Maša Mirković	Upravni odbor		
Potpis:	<i>Maša Mirković</i>	<i>[Signature]</i>		
Datum usvajanja:	Broj:	Verzija:	Broj potpisanih primjeraka:	Strana:
<i>22.04.2016.</i>	<i>VO-06/16</i>	<b>01</b>	02	<b>1/4</b>



Na osnovu člana 15. stav 1. tačka 3) Statuta udruženja „Nova Generacija“ Upravni odbor udruženja „Nova Generacija“ na sjednici održanoj \_\_\_\_\_ 2016. godine, donio je

## I-OSNOVNE ODREDBE

### Član 1.

Ovim Pravilnikom se u skladu sa Zakonom o zaštiti od požara ( „Službeni glasnik Republike Srpske“ broj 16/95, 16/02, 2/05, 1/08 ), uređuje plan zaštite od požara, kojim se obezbjeđuju minimalni standardi i određuju mjere i radnje koje se preduzimaju od strane zaposlenih u cilju ostvarivanja protivpožarne zaštite u prostorijama Udruženja Nova generacija ( u daljem tekstu Udruženje ).

### Član 2.

Zaposlenim licem, u smislu ovog Pravilnika podrazumjevaju se sva lica sa kojima Udruženje ima potpisan ugovor o radu ili djelu stipendisti i volonteri.

### Član 3.

Mjere zaštite od požara, u smislu ovog Pravilnika, su naročito:

- a) zabrana upotrebe otvorene vatre i drugih izvora paljenja u prostorijama Udruženja;
- b) postavljanje uređaja za javljanje, gašenje požara i sprječavanje njegovog širenja;
- c) održavanje i kontrola ispravnosti uređaja i instalacija čija bi neispravnost mogla uticati na nastanak i širenje požara;
- d) organizovanje praćenja ispravnosti uređaja i opreme za gašenje požara u cilju prevencije požara i njegovog blagovremenog otkrivanja i gašenja.

### Član 4.

Protivpožarna zaštita vrši se kontinuirano u svim prostorima Udruženja te u njegovoj neposrednoj blizini.

### Član 5.

Sa sadržajem ovog Pravilnika moraju biti upoznata sva zaposlena lica u Udruženju i nepridržavanje njegovih odredbi predstavlja povredu radnih dužnosti.

## II-MJERE PROTIV POŽARNE ZAŠTITE

### Član 6.

Praćenje mjera utvrđenih ovim Pravilnikom je obaveza svih zaposlenih u Udruženju. Ukoliko bilo ko od zaposlenika primijeti neke nepravilnosti ili nepoštivanje propisanih mjera, dužan je odmah obavijestiti direktora Udruženja.

### Član 7.

Protivpožarna sredstva moraju biti postavljena na lako uočljivim i pristupačnim mjestima u prostorijama Udruženja i na njima mora biti uredno ispisano uputstvo za upotrebu.

#### **Član 8.**

Protiv požarna sredstva ( uređaji, alat i oprema za gašenje požara ) moraju biti stalno u pripravnosti i u ispravnom stanju.

#### **Član 9.**

Svi uposlenici su dužni reagovati ukoliko uoče bilo kakve neispravnosti na aparatima za gašenje požara i/ili elektroinstalacijama te o istom obavijestiti odgovorno lice.

#### **Član 10.**

- 1) Prostorije Udruženja se griju radiatorima i grijalicama koji se u zimskom periodu kada je vanjska temperatura ispod 10 stepeni, dozvoljeno ostavljati u toku noći na smanjenj temperaturi, a ne većoj od 18 stepeni.
- 2) Ukoliko postoji mogućnost korištenja centralnog grijanja u nekoj od prostorija Udruženja, ono se stavlja kao prioritet u korištenju te dodatna grejna tijela nije dozvoljeno paliti ukoliko je temperaturu u toj prostoriji moguće podesiti na 22 stepena.
- 3) Ukoliko se prostorija ne koristi više od dva dana, obavezno je gasiti radiator. A ukoliko je vanjska temperatura ispod 0, radiator se ostavlja podešen na 5 stepeni.
- 4) Važno je da se lice koje koristi grejno tijelo prethodno uvjeri da usljed njegovog korištenja neće doći do požara ili oštećenja elektroinstalacija. Ukoliko do toga dođe, isti/a je odgovoran/a za nastalu štetu.
- 5) Dozvoljeno je koristiti rešoe i kuhala.

#### **Član 11.**

Dokumenti Udruženja se mogu čuvati na posebno za to predviđenim mjestima.

#### **Član 12.**

Svi prilazni putevi kao i prolazi Udruženja, moraju biti prohodni i slobodni za prolazak i evakuaciju u slučaju požara, a sva ulazna vrata moraju biti otključana za vrijeme korištenja objekta.

#### **1) Član 13.**

- 2) Svi uposlenici Udruženja, prilikom napuštanja radnog mjesta, dužni su u radnoj prostoriji zatvoriti prozore i vrata, ugasiti svjetlo te uređaje koji se napajaju električnom energijom isključiti putem predviđenog prekidača.
- 3) Od odredbe prethodnog stava izuzeti su uređaji koji moraju kontinuirano raditi ( računari, telefoni, frižider i slično ).
- 4) Prilikom napuštanja svog radnog mjesta uposlenici su dužni uvjeriti se da u prostoriji nije ostalo aktivno bilo koje sredstvo koje bi moglo izazvati požar.
- 5) U zimskom periodu ovaj član je potrebno uskladiti sa Članom 10.

### **III-RADNJE U SLUČAJU IZBIJANJA POŽARA**

#### **Član 14.**

Svaki uposlenik Udruženja koji primjeti požar u prostorijama Udruženja dužan je da ga ugasi i preduzme druge radnje određene ovim Pravilnikom, ako to može učiniti bez ugrožavanja svog zdravlja i života opasnosti za sebe ili drugoga.

Ukoliko uposlenik nije u mogućnosti da ugasi požar, dužno je da o tome što je prije moguće obavijesti vatrogasnu stanicu.

**Član 15.**

U slučaju izbijanja požara u prostorijama Udruženja potrebno je iz utičnica isključiti bilo koji uređaj koji se u tom trenutku napaja električnom energijom, te zatvoriti prozore ukoliko time ne ugrožava svoje zdravlje i sigurnost.

**IV- VII- PRELAZNE I ZAVRŠNE ODREDBE  
IZLAZ U SLUČAJU IZBIJANJA POŽARA**


**Član 16.**

Ukoliko se požar ne uspije lokalizovati, svi uposlenici su dužni da odmah napuste objekat.

Broj:

Datum:

Predsjednik UO Udruženja "Nova Generacija"



---